

說文解字義證

卷四十五
第三十冊

張氏降回集

卷之十

說文解字弟十三

義證弟四十四

曲阜桂馥學

一 地之數也從耦一凡二之屬皆從二

而至

地之數也者本書白下云二陰數易繫辭天一地二乾坤
鑿度地數二二者有偶也周禮典瑞兩圭有邸以祀地注
云兩圭者以象地數二也說苑二三四五之數取之天地
而制奇偶劉歆曰易繫辭天數五地數五天數一三五七
九地數二四六八十漢書律歷志地之數始於二終於三
十石渠禮議偶數起於二終於三十陰數之偶也三禮義
宗黃琮所以禮地其二尺以法地數唐歷十二議天數始
於一地數始於二司馬貞曰火是地正亦稱北正者火數
二二地數地陰主北方故火正亦稱北方王禕洛書辨云
論其數則一三五七九凡二十五天數也皆白文而為陽
為奇二四六八十凡三十地數也皆黑文而為陰為偶此
其陰陽之理奇偶之數生成之位推而驗之於易無不合
者從耦一者小字本李燾本竝云從耦無一字本書凡
下云從二二偶也易繫辭陽卦奇陰卦耦注云陽卦二陰

言二角三壽言 卷四一四
故奇爲之君陰卦二陽故耦爲之主禮
郊特牲鼎俎奇而籩豆偶陰陽之義也

古文

本書貳

從此

亟

敏疾也從人從口從又從二二天地也

紀力切又去吏切

敏疾也者本書恆疾也輒急也釋詁亟疾也廣雅亟急也
又云敏亟也詩七月亟其乘屋箋云亟急北風既亟只且
傳云亟急也隱元年左傳亟請於武公成十六年傳我先
君之亟戰也有故襄二十四年傳公孫之亟也杜注亟急
也定五年傳歸粟于蔡以周亟杜注亟急也宣九年公羊
傳諱亟也何注亟疾也宋策欲霸之亟成高注亟速後漢
書王龔傳帝命亟自實注云亟急也王觀國曰詩靈臺經
始勿亟七月亟其乘屋何人斯爾之亟行隱十一年左傳
乃亟去之昭五年傳肩肩焉習儀以亟史記秦楚之際月
表未始有受命若斯之亟也如此類亟字其義則皆急也

𠂔

常也從心從舟在二之間上下一心以舟施𠂔也

登胡

切

常也者詩小明無恆安處箋云恆常也廣雅常山謂之恆山大戴禮踐阼篇惡有臧之約行之萬世可以為子孫恆者乎通鑑外紀作行之恆可以為子孫常上下一心以舟施恆也者小字本李燾本集韻並云上下心無一字本書初刻亦無後復加之施當為旋本書殷象舟之旋服所以舟旋

外 古文恆從月詩曰如月之恆

從月者本書設從夕汗簡引作𠂔屬月部詩曰如月之恆者小雅天係文傳云恆弦箋云月上弦而就盛陳啓源曰古文恆從月則恆字原以月取義上弦未必非本訓也馥素玉篇作𠂔云月弦也

回 求回也從二從回回古文回象回回形上下所求物

也

須緣

通作桓易屯卦盤桓利居貞馬融曰旋也漢仲秋下旬碑作般桓書禹貢西傾因桓是來鄭注桓是隴阪名其道盤桓旋

曲而上故

名曰桓

篆回回形者韻會引徐鍇本象風回形錯曰回風
回轉所以宣陰陽也馥案尙書大傳八風回回

𠂔

一厚也從二竹聲

冬毒切

厚也者釋詁文竺厚聲相近本書管厚也厚當為厚本書
厚山陵之厚也竺從二二地數故為厚魏畧邯鄲淳一名
竺書微子之命曰篤不忌釋文篤本又作
竺論語君子篤於親汗簡古論語篤作竺

𠂔

最括也從二二耦也從𠂔古文及

浮芝切

徐鉉云凡本從二從古文及左旁不當引筆下垂
凡也 三蒼凡數之總名也 詩常棣凡今之人 周禮宰

夫二日師掌官成以治凡注云治凡若月計也御史掌贊書

凡數注云自公卿以下胥徒凡數及其見在空鼓者職金入

其要注云要凡數也庖人凡其成生蠹蓂之物注云凡計數

之 公羊傳一事而再見者前目而後凡也 漢書食貨志

天下大氏無慮皆鑄金錢又云大氏皆遇告顏注氏讀曰抵
歸也大抵猶言大凡也 揚雄傳請略舉凡顏注凡大指也

鹽鐵論公卿總要執凡而已 春秋釋例稱凡

者五十隋書經籍志有春秋五十凡義疏二卷

最括也者徐鍇本作最括而言也醖謂最當作最本書最積也通作最本書儼最也詩葛覃釋文叢木一本作最公羊傳會猶最也何休云最聚也漢書刑法志提封萬井臣瓚案舊說提最凡言大數也申鑒時事恭表曰豈臣最庸所可叨忝馥案最庸卽凡庸或作撮家語始誅篇其居處足以撮徒成黨注云撮聚淮南主術訓鴟夜撮蚤莊子釋文引作聚蚤劉向別錄鐸椒作抄撮入卷授虞卿虞卿作抄撮九卷授荀卿漢書司馬遷傳撮名法之要注云撮總取也又作最潘岳西征賦最芮于城隅者百不處一注云最聚貌 乃古文及者 本書及古文作弓

文六 重二

舟一

汗簡二部豆出說文顏氏家訓案彌豆字從二閒舟詩云豆之桓桓是也今之隸書轉舟爲日而何法盛中興書乃以舟

在二閼為舟航字謬也馥案廣韻亘古鄧切通也遍也竟也出方言馥案恆從舟在二之閼此又單作舩所未能詳

遺文一

十一 地之吐生萬物者也二象地之下地之中一物出形

也凡土之屬皆從土

它魯切

廣韻土田地主也釋言土田也子華子陽中之陽者火是也陰中之陰者水是也陽中之陰者木是也陰中之陽者金是也土居二氣之中閼以治四維在陰而陰在陽而陽故物非土不成人非土不生韓詩外傳夫土者掘之得甘泉焉樹之得五穀焉草木植焉鳥獸魚鼈遂焉

地之吐生萬物者也者玉篇類篇引無萬字宋本小字本李燾本竝同本書初刻亦無後復加之土吐聲相近釋名土吐也能吐生萬物也白虎通中央者土土主吐含萬物土之為言吐也周禮大司徒辨十有二壤之物注云壤亦土也變言耳以萬物自生焉則言土土猶吐也以人所耕而樹藝焉則言壤壤和緩之貌郊特牲社祭土王肅曰五

行之主能吐生百穀者也御覽引元命苞土之爲言吐也
言子成父道也吐氣精以輔也陽立於三故成生其立字
十加一爲土馥疑此文有脫謬鄭注禹貢地當陰陽之中
能吐生萬物者曰土聖證論孔鼂云能吐生百穀謂之土
易坤卦至哉坤元萬物資生離卦百穀草木麗乎土漢書
五行志土中央生萬物者也物理論地發氣黃泉周伏迴
轉以生萬物二象地之下地之中一物出形也者玉篇
引無一字小字本同馥謂當云二象地之下地之上中物
出形也中
謂直畫

地

元氣初分輕清陽爲天重濁陰爲地萬物所陳列也

從土也聲

徒四切

春秋元命苞地者易也言養物懷任交易變化含吐應節故
其立字土力於乙者爲地注云地土加以力又加乙者言奉
太乙也又云地所以右轉者氣濁精少含陰而起遲故轉右
迎天佐其道春秋說題辭地之爲言施也承天行其義也
故其立字土力於一者爲地注云力勤也一卽天也書品
一力增土地卑可審本於緯書也物理論地者底也底之

言著也陰體下著也博物志地以名山爲之輔佐石爲之
骨川爲之脈草木爲其毛土爲其肉三尺以上爲糞三尺以
下爲地重陰之性也孝經援神契地順受澤謙虛開張注
云開張九竅受流酒潤是其謙虛也月令章句總邱陵原
隰阪險曰地廣雅神農度四海內東西九十萬里南北八
十一萬里帝堯所治九州地二千四百三十萬八千二百四
頃其墾者九百一十萬八千二十四頃夏禹所治四海內地
東西二萬八千里南北二萬六千里出水者八千里受水者
八千里河圖括地象地廣東西二萬八千南北二萬六千
有君長之州州有九阻中土之文德及而不治孝經援神
契計校九州之別土壤山陵之大川澤所注萊沛所生鳥獸
所聚九百一十萬八千二十四頃虜埒不墾者千五百萬二
頃十

元氣初分輕清陽爲天重濁陰爲地者纂要凡天地元氣
之所生孫楚石人銘大象無形元氣爲母杳兮冥兮陶治
衆有禮統天地者元氣之所生萬物之所自焉河圖括地
象易有太極是生兩儀兩儀未分其氣混沌清濁既分仰
者爲天偃者爲地班固典引太極之元兩儀始分烟烟燭
燭有沈而奧有浮而清沈浮交錯庶類混成蔡邕注言兩

儀始分之時其氣和同沈而濁者爲地浮而清者爲天章
懷注後漢書云奧濁也庶類萬物也老子曰有物混成先
天地生易乾鑿度清輕者爲天濁沈者爲地又云乾坤相
竝俱生天地既分乾升坤降故乾坤定矣易說元氣初分
清輕上爲天濁重下爲地論衡談天篇說易者曰元氣未
分渾沌爲一儒書又言溟滓濛濛氣未分之類也及其分
離清者爲天濁者爲地廣雅太初氣之始也生於西仲清
濁未分也太始形之始也生於成仲清者爲精濁者爲形
也太素質之始也生於亥仲已有素樸而未散也三氣相
接至於子仲剗判分離清者上爲天重濁者下爲地中
和爲萬物淮南天文訓天地未形馮馮翼翼洞洞屬屬故
曰大昭道始於虛霸虛霸生字宙宙生氣氣有漢垠清
陽者薄靡而爲天重濁者凝滯而爲地清妙之合專易重
濁之凝竭難故天先成而地後定三五歷紀清輕者上爲
天濁重者下爲地冲和氣者爲人故天地含精萬物化生
詩推度災上清下濁號曰天地大戴禮少閎篇先清而後
濁者天地也盧辯注云清濁謂陰陽也姚信明天論地形
立於下天象運乎上顏氏家訓天爲積氣地爲積地邱長
春曰輕清者上騰爲天重濁者下凝爲地萬物有形重濁
皆附於地三光無質輕清悉上於天萬物所陳剗也者

陳當爲敝釋地郊外謂之牧釋文李本牧作田字釋云田
敝也謂敝列種穀之處釋名地者底也其體底下載萬物
也六韜天之爲天遠矣地之爲地久矣萬物在其間各自
利稷謂利當爲列郊特牲地載萬物洪範五行傳地者成
萬物者也越語唯地能包萬物以爲一其事不失生萬物
容畜禽獸然後受其名而兼其利文子地承天故定寧地
定寧萬物形地廣厚萬物聚定寧無不載廣厚無不容樂
動聲儀下元者地氣也爲始萬物生育長養蓋藏之主也

隊土籀文地從隊

漢書郊祀志周官天墜之祀

從隊者北征賦登鄧隧而遙望兮李善云隧或爲墜說文
曰墜古文地字也據此則隊當爲隊徐鍇本作從自土彖
聲據此則彖當爲彖

地也易之卦也從土從申土位在申

苦昆切

地也者易坤卦應地無疆王注地也者形之名也坤也者
用地者也說卦坤也者地也萬物皆致養焉故致役乎坤

乾鑿度坤者地之道也晉語坤土也漢書杜鄴傳坤以法地爲土爲母洪邁曰歸藏以純坤爲首坤爲地萬物莫不歸而藏於中故名爲歸藏易之卦也者物理論地者其卦曰坤土位在申者易坤卦西南得朋王注西南致養之地與坤同道者也易乾鑿度陰始於巳形於未據正立位故坤位在西南陰之正也

塿

兼垓八極地也國語曰天子居九垓之田從土亥聲

古哀

切

兼垓八極地也者垓當爲咳本書咳兼咳也垓咳聲相近淮南本經訓紀綱八極經緯六合馥案釋地以四方爲四極加以四隅故稱八極國語曰天子居九垓之田者彼作咳鄭語故王者居九咳之田韋注九咳九州之極數也楚語天子之田九咳以食兆民韋注九咳九州之內有咳數也

塿

四方土可居也從土奧聲

於六切

四方土可居也者李善注西都賦引作四方之土可定居者也徐鍇本作四方上下可居者廣韻塿四塿四方土通

作隕書禹貢四隕既宅傳云四方之宅已可
居又通作奧漢書地理志引書四奧既宅

坐 古文奧

玉篇坻坻並古
文本書闕坻字

坻 坻夷在冀州陽谷立春日日值之而出從土禺聲尙

書曰宅坻夷

噉俱切

坻夷在冀州陽谷者史記禹本紀坻夷既略列子亦作坻
夷胡渭曰說文場山在遼西一日坻鋋場谷也既在遼西
則冀域而非青域不可以當禹貢之坻夷馥案後漢書以
坻夷爲遼東樂浪三韓之地陽谷及下作陽谷 立春日
日值之而出者廣韻坻夷日所出處 尙書曰宅坻夷者
堯典文彼作坻傳云東表之地稱坻夷馥案本書不僞尙
書疑後人
引書加之

坻 朝歌南七十里地周書武王與紂戰于毋野從土母

聲莫六

廣韻母野殷近郊地名說文作母詩大明箋引書牧野釋
文作母馥案母牧聲相近本書母牧也又案周書酒誥明大
命于妹邦馬注妹邦即牧養之地周禮載師以牧田任
遠郊之地釋地邑外謂之郊郊外謂之牧牧外謂之野
朝歌南七十里地者書釋文引云地名在朝歌南七十里
書牧誓王朝至于商郊牧野正義皇甫謐云在朝歌南七
十里不知出何書也書序武王與受戰于牧野鄭注牧野
紂南郊地名史記殷本紀周武王於是遂率諸侯伐紂紂
亦發兵距之牧野集解牧野紂南郊地名也魯世家伐紂
至牧野正義衛州即牧野之地東北去朝歌七十三里括
地志紂都朝歌故城在衛州東北七十三里今衛州城即
殷牧野之地周武王伐紂築也水經注清水云自朝歌以
南南暨清水土地平衍據皋跨澤悉母野矣郡國志曰朝
歌縣南有母野竹書紀年曰周武王率西夷諸侯伐殷敗
之于母野詩所謂母野洋洋檀車煌煌者也元和志衛縣
朝歌故城在縣西二十一里殷之故都也九域志汲城本
牧野之地漢為縣通典衛州汲縣牧野之地禮記大傳牧
之野武王之大事也既事而退柴於上帝祈於社奠於牧

室注云牧室牧野之室也馥案詩大明正義云牧禮記作

毋今作牧者後人改之周書武王與紂戰于毋野者牧

誓武王伐紂至于牧野王篇引作

毋野大傳武王與紂戰于毋之野

坂也從土皮聲切

坂也者徐鍇本作陂也鍇曰謂陂陀也

圯地平也從土從平平亦聲切皮命

地平也者廣雅圯平也趙

宦光曰蜀峨山有雷洞圯

圯平徧也者急就篇遠取財物主平均字林均均田也易說

卦坤為均正義云以其地道平均也豐卦雖句无咎王注

旬均也馥案本書旬徧也詩節南山秉國之均傳云均平

周禮大司徒以土均之法均齊天下之政又均人掌均地

政均地守均地職均人民牛馬車輦之力政注云均猶平

也夏小正正月農率均田均田者治除田也言農夫急除

田也月令均琴瑟管簫正義均平其聲蔡氏章句乃修蠶
稅以桑為均以桑為平者用桑多則蠶多少則蠶少也年
無尊卑老壯各以用桑為平論語不患貧而患不均穆天
子傳萬民平均大荒北經禹鯨是始布土均定九州韓詩
外傳君人者以禮分施均徧而不偏漢書律歷志衡平也
所以任權而均物百官表大司農屬官有均輸平準令丞
鹽鐵論平準則民不失職均輸則民齊勞逸故平準均輸
所以平萬物而便百姓唐六典市令以之價均平市宋郭
諮攝肥鄉令以千步方田法四出量括遂得其數收遺賦
八十萬通典方田即均田也歸藏易昔女媧埴張雲幕枚
占之曰吉平均土地和合四國書禹貢沿于江海沿馬本
作均云平均蜀志王平字子均通作鈞詩行葦四鍤既鈞
傳云得平均也成六年左傳善鈞從眾杜云鈞
等也襄二十六年傳多鼓鈞聲杜云鈞同其聲

命發心柔土也從土襄聲

如兩切

東方朔曰汧隴以東商洛以西厥壤肥饒史記五帝本紀
老人擊壤而歌於路山海經鮀竊帝之息壤以堙洪水馥
案史記秦本紀甘茂曰息壤在彼
柳宗元有永州龍興寺息壤記